



Petrić: Bitne su mi želje majki Srebrenice

Čista je koincidencija da sam na dan kada je izrečena presuda Ratku Mladiću dobio pozivnicu da prisustvujem zatvaranju Tribunalu u Hagu. To će se desiti za mjesec, navodi u svojoj izjavi za „Avaz“ nekadašnji visoki predstavnik u BiH Wolfgang Petrić (Wolfgang Petritsch). Kaže da često razmišlja o BiH.

Teške odluke

- Sada, nešto više od 22 godine kasnije, sjetio sam se nekih kontroverznih i često agonizirajućih odluka koje su se ticali genocida u Srebrenici, a koje sam morao poduzeti kao visoki predstavnik od 1999. do 2002. godine.

Živo se sjećam nervoznih reakcija na koje sam naišao u međunarodnoj zajednici kada sam predstavio plan da u Potočarima budu Memorijalni centar i groblje za žrtve. Više mi je glavnih komandanata SFOR-a skrenulo pažnju da su protiv toga!

Mantra o „stabilnom i sigurnom okruženju“ izgleda da je bila bitnija od želja majki Srebrenice i drugih organizacija koje su predstavljale žrtve. A za mene, to je bilo bitno, a ne nekakve mantre.

Sjećam se da je u to vrijeme svega nekoliko stotina tijela bilo identificirano. Postavljanje memorijalnog kame na u Potočarima bio je prvi

Wolfgang Petrić za „Dnevni avaz“

Srebrenica se više nikad ne smije ponoviti

Kada sam odlučio da u Potočarima napravimo Memorijalni centar, naišao sam na otpor u krugovima međunarodne zajednice

vidljivi spomenik za više od 8.000 muškaraca i dječaka koji su pobijeni pod komandom personе koja je, nakon 16 godina skrivanja, konačno privredena licu pravde.

Da li jedna sudska presuda ikad može biti adekvatna kazna tako monstruoznog zločina? Zločina koji i dalje trese kolektivno pamćenje Evrope - upitao se Petrić tokom razgovora za „Avaz“.

On je ustvrdio da ne može!

Ogroman značaj

Ali je istakao da je odluka da se ne dopusti nekažnjivost zločina i postojano insistiranje na tome, iako mali,

korak od ogromnog značaja za ljudski rod.

- Sada, kada je posljednja velika presuda donesena, do Suda i Tužilaštva BiH, civilnog društva i odgovornih zvančnika je da stvore politiku pomirenja u državi. To je cilj koji, nažalost, Tribunal u Hagu nije postigao - naveo je Petrić.

On je, ipak, pohvalio Tribunal u Hagu za nemjerljiv doprinos u utvrđivanju činjenica i kažnjavanju odgovornih.

- ICTY je ostavio i posjećivanje civiliziranoj Evropi da više nikad ne smije dopustiti da se Srebrenica ponovi - zaključio je Petrić.

S. N.